



DEO OPTIMO MAX.  
UNI ET TRINO,  
VIRGINI DEIPARÆ, ET S. LUCÆ  
Orthodoxorum Medicorum Patrono.



## QUÆSTIO MEDICA,

QUOD LIBETARIIS DISPUTATIONIBUS  
manè discutienda, in Scholis Medicorum, die Mercurii,  
Anni ultimæ M. DCC. XXXII.

M. PHILIPPO CARON, Antiquo Facultatis Decano,  
Doctore Medico, Præsidente. *Auctore.*

*An Humoribus quibusque sedes eadem & origo est, illoque, quod incolunt,  
Organo nascuntur?*

### I.



ITA à Deo est. Vita quid sit, eamque quid constietur, non  
ausi sunt Philosophi definire. Omnes autem cum vulgò asserunt  
eam præsentem, si functiones exercentur; nullam, si desint fun-  
ctiones. Non tamen omnes viventis functiones æquè censentur ne-  
cessariæ & vitam immediatè comitantur. Sed vivens pronuntiarur,  
quod nutritur & crescit, Vita quippe conceditur ad tempus. Eadem  
conditione, omnes viventis partes eam suscipiunt tempore suo  
posituræ. Sic est natura, ut ipsa successione perennet, properet ad interitum; in lo-  
cum sui sufficiat quod genuit. Naturale, quod à principio interno, ut quod sentit

& movet, animal nuncupamus. Principium hoc insectile est. Idem & totum cunctis & singulis confortibus pro ratione. Partes avulsæ à toto, eo non gaudent amplius. Scilicet vis naturalis sapienter indita, sapienter administratur, communione viget. Nulla nutritio, nisi nutriens & nutriendum: vitæ organis instructa & commodis. In omnibus utpotè naturalibus, substantias intelligimus. Ad alias disciplinas remittimus abstr. cta. Si qualitates appellamus, cum corporibus conjunctas habemus. Sic non humiditatem, sed humorem vocat Hippocrates, siccum, calidum, frigidum. Quamvis totum corpus humeat, dicitur humor quicquid in corpore fluidum saporem habet. Fluidi proventus maximus in arteriis & venis, quibus adduntur venæ lymphaticæ. Sed in his humor tenuior est coloris fere aquei & consistentiæ. Sunt tamen alii humores ab his dissimiles sive quoad sedem, sive quoad generationis modum, sive quoad usum. Hi in flumine nonvolvuntur, sed cum eo communicant quamdiu in corpore, vitalitatis jure gaudent: in secessu effinguntur & diversas induunt formas non inutiles: usus est mutatus quia ipsi humores mutati, sede mutata; nec retrogradi nisi corporis malo. Multi tamen revocantur ad flumen sed per loca convenientia & tempore opportuno. Hæc meditatur Medicus, quia inde sanitatis & morbi discrimina. Functiones ad vitam maximè necessariæ sunt, earum effectus Vitæ sunt conditiones. Ideò Hippocrates invehitur in Sophistas & Medicos aliquos curiosos sed vagantes, extra cancellos naturæ operantis. Sapiens intelligit objectum Medicinæ, corpus humanum vivens: mortuum ut imaginem contemplantur. Vitat errorem, qui munia prosequitur, meminisse semper, in naturalibus nihil esse superflui, defectum nullum. Nihil esse pluri in effectu quàm in principiis. Dum vitæ suæ quis conservationi studet, sibi aliisque prospicit pro virili. Sed quæ ad omnes pertinet, non dicitur Ars, qui à nemo artifex. Quæ verò petitiâ requirit majorem, & totam complectitur, à paucis cognita & exerceri potest, tunc ars est.

## II.

**I**N primâ corporis analysi occurrunt solidum & fluidum. In utroque miranda. In solido; motus, figura, capacitas. In humore habitas ad suscipiendum vasis motum, figuram: insinuat, penetratio; qualitatum simul suarum tenacitas, ut in quiete, actio perpetua; in mobilitate, constantia nusquam unquam deficient. Hoc cumulat, essentia non variat nisi ordine instituto, in loco determinato, ratione naturæ. Sanguis in arteriis & venis continetur, perenni motu systoles & diastoles percutitur, propelliturque in extrema corporis per arterias, redit per venas vasa parallela cono inverso. Venæ lymphaticæ sibi sanguinei partem suscipiunt; centrum hujus perennis circuitus, cor. Ad illud tendunt venæ, ab eo arteriæ sumunt exordium. Hæc dispergunt, illæ colligunt & opera conjuncta rebus publicis & privatis provilum est prudentiâ exquisitâ. Præter arteriarum propagines innumeras per quas sanguis truditur, adfunt à latere ipsarum vasa quæ sanguinis partem excipiunt & humores varios instaurant. Ibi non est circuitus sollemnis, non perfectus sanguis ex sero & globulis. Alius color, alia consistentia, alii sapores. Locus non adeò clausus ac in orbe sanguinis, patet exitus in corporis extremum, vel in ventrem quo penetrat aer. Inde fit ut minus integer conservetur humor quàm intrâ arterias & venas in quibus corruptio non fit. Potrò humores excrementa si habueris, inutilia esse rescellet usus constans, & à defectu dispositio prava. Materiam humorum ex sanguinis penu derivatam dubitat nemo. Quæ sanguinis portio secretatur, minus est raum. Videtur in fluidis satis renuitatis, constat chyli commeatum esse per angusta. Substantiam ejus molliorem quàm quæ subacta magis adscivit sibi compactiorem compagem. Dos in hac re, pronitas in corruptionem. Inde si resideat, in lentorem. Usus præcipuus irrigatio ad mollietatem, mox fere à vanescendum promptitudo. Ipsa alimenti necessitas arguit aliam deperditionem quam sanguinis propriè dicti, qui in fame perstat post mortem. Vix di post incediam chylum in sanguine reperias. Casu fortuito contingere ne dicas; locus paratus, operis constantia, ordo à primordiis vitæ, proportio conspiciuntur. Vices naturalium rerum fortunæ non tantum debent.

**C**UJAS humor ? indigena. Suum habet locum, nec temerè peregrinatur. Si quando ad alius mansionem incurrerit lapsus, aut intrusus contrà consuetudinem, periclitantur ambo. Brevi suo jure cadit qui invadit, & turbus patitur qui accepit. Fortasse excipitur quasi ex contracto sedere, sed conditiones sunt. Materia humorum è penu sanguinis. Officina; viscera, glandulæ. In eas non fertur plenum gurgite, nec sanguis completus. Per collicias Chylus cum sanguine confusus diverit, ibique corrumpitur in humorem loci inquilinum, aère subeunte per extremum apertum. Quàm valeat aër non dubium est. Glandula Hippocrati, spongiosa est, rara, pinguis, carnis propriæ, friabilis & multis venis repleta. Recentiores glandularum structuram persecuti reperiunt arteriam, venam, nervum, & vas excretorium amplitudine, multitudine, ordine diversum. Addunt nonnulli organa secretoria. En Instrumenta. Viscus est, excipit & præparat matriciam. Pars corporis ex solido & fluido constans vivit. E penu sanguinis excipit, fungitur munere imperato, sive ad excretionem, sive ad usum corporis. Post pastum abundat glandula; post inedium, eget. Hoc in ore præsertim nemo non sentit. Quàm multi sunt humores in corpore præter sanguinem, omnes è glandulis scaturiunt. Speciei nulla commutatio. Nec Anatomici in cute hominis bilem reperiunt, nec alibi quàm in vasis propriis, quàm multos ipse sanguis habet è glandulis. Hoc cui bono? dices: An ad condimentum, an fermentum, an putredinem necessariam faciant & patiantur, ad complementum, an ut quæ si: vigent, inde corruptionem timeant? apud Hippocratem satis est de commodis & incommodis glandularum ut earum dignitas innoteat. *Et id quidem* quòd affluit foràs emittens, alterum verò excipiens, semper eodem statu consistens . . . tum humores trahit, tum morbos creat. Ambo magnà molestiâ naturam debilitant, licet affectiones malitiâ distent. Excipiunt igitur & remittunt glandulæ & administrationem bonam vel malam sequuntur commoda vel incommoda non contemnenda.

## IV.

**Q**UIS credat generari humorem in parte parvâ & ignobili; nutriti humorem instauratione perpetuâ quàm in loculo perficit, cum organum tantum ad secretionem & excretionem aptum conspicitur. Optimè. Cadaver contemplatus es. Sed idem vixit & à conceptione ad mortem functiones exercuit. Primariam neges quia evanuit; sed reliquæ testimonium dant. Vasa sunt, sed vas non solum capax. Conducit humorem hunc non quemlibet: non simplex est. Addas facultatem necesse est. Secernentem fateris, non commutantem: quid de probitate humoris censes? vis partem privatam vita quæ in actione est, ut alteri consorti accumulet. Vas hoc pervium ad commestum, sed præter viam, diversorum exhibet & officinam. Hæc non præterit totus humor insalutatus. Qui ab arteriâ migrat in venam, idem perstat. Qui glandulam subit, aut alius est, aut alius evadit. Undè alius iste sanguini obtrigerat? occultus, obscurus, ignobilis. Manifestus in vase proprio, suæ speciei, sui juris. Prius locus & humor ejusdem ætatis, ab eodem autore; partes ejusdem totius, gaudent privilegiis paribus: virtus eadem, organa propria; destinatio communis, adjuncta æqualia, passiones pares. Sin idem, quâ similitudine, amicitiae confluent partes quæ in dissolutione nusquam apparent. Existerunt prius vagæ particulæ, nec in sensum cadunt? Vita est in vigilia, constat actione. Non creat, sed vis in artificibus conspicitur. Si enim naturam imitantur, nihil nisi quæ suæ sunt artis, exhibent. Si quid ultra promittunt, vanum est nec possunt reddere. Verùm si periti, mareriam, instrumenta, commoda obtineant; & ipsi sedulo & constanter operentur, opus perficiunt & inde laudantur. Natura perseverat & ejus ordo mirandus. Opus obviam est in loco & tempore, nec Instrumenta latent quarentem. Si variet imaginatio, errore plectitur, natura pergit, cujus observator Medicus secreta cognoscer, eliens, non herus; Potens in ordine, tempore & modò arbiter & adjutor.

**E**ST igitur sedes eadem & origo humoris. Nascitur in organo vase suo. Qui credere recusat, plura fingit absurda: materiam, præparationem, causas, Instrumenta à longinquo accersit, propria & præsentia repudiat. Systema Medici, opus naturæ ipsius observatum. Huic studet, piaculum sentit statim, si ab hoc deflexerit, subsequente poenâ. Nulla novi corporis effusio. Cuncta in Embryone, ac in adulto. Non eodem tempore dant se in conspectum. Hoc & scire debet Medicus & modum processûs. Quæ in omnibus similiter habent, à naturâ sunt. Nihil magis perpetuum, nihil constantius, nihil evidentius quàm in corpore humores varios & diversos reperiri in loco suo secretos & in sedibus suis perennes. Non ibi stabulari torpidos, sed moveri & commutare. Non ad libitum vagari, sed ordine certo procedere ad usum & excerni. Vitæ sunt, & vitæ se debent. Generationis & corruptionis vicibus species conservantur, individua Domino apparent magnifico, qui officium exigit & ea dimittit. Hocque in mediâ Republicâ ita ut judicentur omnes humores, vicini & conviventes bono congratulentur, è vicioso collaborent. Nec temerè mutant locum generationis suæ, nec impunè viam suam. Laribus addicti, vigent & germinant. Patriâ extorres pereunt ut vix ex illis quicquam appareat; aut corpus perturbant. Medicus invigilat conservationi & instantationi. Procurat materiam, organum tuetur, virtutem adjuvat, prospicit commodis. Nihil tamen à se confert præter ordinem & opportunitatem adhibendorum, quæ diligentia collegit & iudicio comparavit. Scientia est pars Medici, rem minimè perficit, naturæ est. Sed scientia potest dirigere, nec præterea sibi tribuit effectum: hæc temeritas sæpius vapulat: sed auctori ejus est minister. Extrâ pomoëria corporis videt fausta & infesta. Sollicitè amovet aut fugat. Hoc autem habet certum, occasiones adjuvandi aut lædendi incurere ab externis, indè tamen rarè convelli, rariùs extingui animadvertit functiones. Nihil corrumpi quòd naturale est, si etiam passum sustinere possit, nec organum dissiliat, aut deficiat materia. Ab internis magis timet. Compressionem vasorum, Convulsionem, Paralytim, Distorsionem, Obstructionem, Tumorem, corruptionem. Undè virtutis defectio, materiæ penuria aut ex abundantia oppressio, ex ordine perverso pravitas.

*Ergò Humoribus quibusque sedes eadem & origo est, illoque, quod incolunt, Organo nascuntur.*

## DOMINI DOCTORES DISPUTATURI.

|  |   |   |
|--|---|---|
| <i>M. Robertus - Hubertus<br/>Linguet.</i>         | <i>M. Hyacinthus - Theodo-<br/>rus Baron.</i> | <i>M. Egidius Adam.</i>   |
| <i>M. Achilles - Franciscus<br/>Fontaine.</i>      | <i>M. Ludovicus - Maria<br/>Pouffe.</i>       | <i>M. Camillus Falconet,<br/>Salubris Consilii Regii<br/>Socius, &amp; Regiâ Na-<br/>mismatum Academiâ.</i> |
| <i>M. Joannes-Baptista-Lu-<br/>dovicus Chomel.</i> | <i>M. Claudius - Antonius<br/>Renard.</i>     | <i>M. Hyacinthus-Theodo-<br/>rus Baron, Facultatis<br/>Decanus.</i>   |

Proponebat Parisiis ANTONIUS-JOANNES D'AVAL,  
Parisiinus, Baccalaureus Medicus. A. R. S. H. 1732.  
à sextâ ad meridiem.